



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-489-2/25**
Datum: **24.11.2025. godine**

„Agencija za vodno područje rijeke Save“ Sarajevo rješavajući po zahtjevu „Agencije za vodno područje rijeke Save“ Sarajevo, podnesenom putem „Sektora za realizaciju projekata“, za izdavanje prethodne vodne saglasnosti za uređenje desne obale rijeke Vrbas u Donjem Vakufu u dužini od 100m, na području općine Donji Vakuf, na osnovu člana 109. stav (1) tačka 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99 i 61/22), donosi

RJEŠENJE **o vodnoj saglasnosti**

1. „Agenciji za vodno područje rijeke Save“ Sarajevo daje se vodna saglasnost za uređenje desne obale rijeke Vrbas nizvodno od gradskog mosta u Donjem Vakufu od profila P16 do profila P22 prema oznakama iz priložene projektne dokumentacije (odnosno od P2 do P5 po novosnimljenim poprečnim profilima za potrebe novelacije projekta) u dužini od cca 100m, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije pod nazivom:
 - „*Novelacija Glavnog projekta regulacije rijeke Vrbas nizvodno od gradskog mosta u Donjem Vakufu na potezu od profila P16 do P22 u dužini od cca 350m*“, urađen od strane „ENERGOINVEST“ d.d. Sarajevo, decembar 2021. godine.
- Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i Zakonom o građenju Srednjobosanskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na regulaciji desne obale rijeke Vrbas nizvodno od gradskog mosta u Donjem Vakufu, u dužini od cca 100m, u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu u nizvodno od gradskog mosta u Donjem Vakufu neophodno je radni pojas koji uključuje korito, inundacioni pojas i obale rijeke Vrbas urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Djelimičnog rješenja o urbanističkoj saglasnosti broj: UP1-05-19-00889/25 izdatog dana 28.10.2025. godine od strane Službe za prostorno uređenje, katastar i imovinsko pravne poslove Općine Donji Vakuf.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenje desne obale rijeke Vrbas u dužini od cca 100m nizvodno od gradskog mosta u Donjem Vakufu ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Vrbas ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Sportsko ribolovno društvo „Vrbas“ Donji Vakuf, koje je korisnik ribolovnog prava na ovom ribolovnom području, o početku izvođenja radova u koritu rijeke Vrbas na predmetnom lokalitetu nizvodno od gradskog mosta u Donjem Vakufu.
8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na regulaciji korita rijeke Vrbas na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Donji Vakuf riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju/čišćenju korita rijeke Vrbas u skladu sa tehničkom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

„Agencije za vodno područje rijeke Save“ Sarajevo, putem „Sektora za realizaciju projekata“, podnijela je ovoj Agenciji dana 17.11.2025. godine zahtjev za izdavanje vodne saglasnosti za aktivnosti na uređenju desne obale rijeke Vrbas nizvodno od gradskog mosta u Donjem Vakufu u dužini od cca 100m, na području općine Donji Vakuf, a u cilju poboljšanja uslova tečenja i sprječavanja štetnog djelovanja voda na osnovu tehničke dokumentacije pod nazivom: „Novelacija Glavnog projekta regulacije rijeke Vrbas

nizvodno od gradskog mosta u Donjem Vakufu na potezu od profila P16 do P22 u dužini od cca 350m", urađen od strane „ENERGOINVEST“ d.d. Sarajevo, decembar 2021. godine, a u postupku izdavanja odobrenja za građenje. U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Rješenja o izmjenama podataka broj: 065-0-Reg-25-003258 izdatog od strane Općinskog suda u Sarajevu 13.08.2025. godine,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog od strane Federalnog zavoda za statistiku – Služba za statistiku za područje kantona Sarajevo dana 11.12.2012. godine,
- Kopija Uvjerenja o poreznoj registraciji izdatog od strane Porezne uprave FBiH – Kantonalni porezni ured Sarajevo dana 14.12.2012. godine,
- Kopija Saglasnosti za izvođenje radova na desnoj obali rijeke Vrbas u Donjem Vakufu broj: 02-012/25 izdata od strane Sportsko ribolovnog društva „Vrbas“ Donji Vakuf dana 11.11.2025. godine,
- Kopija Djelimičnog rješenja o urbanističkoj saglasnosti broj: UP1-05-19-00889/25 izdatog od strane Službe za prostorno uređenje, katastar i imovinsko pravne poslove Općine Donji Vakuf dana 28.10.2025. godine,
- Kopija Izjave o riješenim imovinsko – pravnim odnosima broj: UP1-05-19-00889/25-2 izdate od strane općine Donji Vakuf dana 10.11.2025. godine,
- Kopija Rješenja o prethodnoj vodnoj saglasnosti broj: UP-1/21-1-40-337-5/25 izdatog od strane Agencije za vodno područje rijeke Save dana 23.09.2025. godine.
- „Novelacija Glavnog projekta regulacije rijeke Vrbas nizvodno od gradskog mosta u Donjem Vakufu na potezu od profila P16 do P22 u dužini od cca 350m", urađen od strane „ENERGOINVEST“ d.d. Sarajevo, decembar 2021. godine.

U dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenje desne obale rijeke Vrbas nizvodno od gradskog mosta u Donjem Vakufu od profila P16 do profila P22 prema oznakama iz priložene projektne dokumentacije (odnosno od P2 do P5 po novosnimljenim poprečnim profilima) u dužini od cca 100m, izrađena je projektna dokumentacija pod nazivom: „Novelacija Glavnog projekta regulacije rijeke Vrbas nizvodno od gradskog mosta u Donjem Vakufu na potezu od profila P16 do P22 u dužini od cca 350m", urađen od strane „ENERGOINVEST“ d.d. Sarajevo, decembar 2021. godine.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-337-5/25 donesenom dana 23.09.2025. godine od strane ove Agencije, a za aktivnost na uređenje desne obale rijeke Vrbas nizvodno od gradskog mosta u Donjem Vakufu od profila P16 do profila P22 (odnosno od P2 do P5 po novosnimljenim poprečnim profilima), a u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje desne obale rijeke Vrbas nizvodno od gradskog mosta u Donjem Vakufu od profila P16 do profila P22 (odnosno od P2 do P5 po novosnimljenim poprečnim profilima), u dužini od cca 100m, na području općine Donji Vakuf, podnosiocu zahtjeva je kroz Djelimično rješenje o urbanističkoj saglasnosti izdala Služba za prostorno uređenje, katastar i imovinsko pravne poslove Općine Donji Vakuf.

U tehničkoj dokumentaciji su priloženi opisi i nacrti uobičajeni za ovaj nivo dokumentacije: situativni prikazi projektnog rješenja MJ. 1:1000; uzdužni profili MJ. 1:100/1000; normalni profil MJ. 1:100; poprečni profili u mjerilu MJ. 1:100.

Aktivnosti na za uređenje desne obale rijeke Vrbas nizvodno od gradskog mosta u Donjem Vakufu, podrazumijeva radove na uređenju korita od profila P2 do P5 po novosnimljenim poprečnim profilima u skladu sa usvojenom varijantom normalnog profila (temelj od kamena u betonu, betonska kosina 1:2, betonska staza (kej) iznad betonirane kosine širine cca 1,60 m, te vertikalnog AB zida visine cca 3,00 m sa nadvišenjem od 0,90m u odnosu na veliku vodu $Q_{1/100}$). Uređenjem desne obale rijeke Vrbas nizvodno od gradskog mosta u Donjem Vakufu na predmetnoj dionici dužine od cca 100m obezbjeđuje se proticajni profil, vrši se stabilizacija obala i sprječava se štetno djelovanje voda, a sve u cilju smanjenja nastanka šteta od poplava i zaštite lokalnog stanovništva i njihove imovine.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i

čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.ing.građ.

Prilog:

- Ovjerena projektna dokumentacija: „Novelacija Glavnog projekta regulacije rijeke Vrbas nizvodno od gradskog mosta u Donjem Vakufu na potezu od profila P16 do P22 u dužini od cca 350m“, urađen od strane „ENERGOINVEST“ d.d. Sarajevo, decembar 2021. godine. (Ev. broj: 2771/I-5)

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Agencija za vodno područje rijeke Save – Sektor 30 (prilog)
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava